

LEMBARAN PENDEDAHAN PRODUK	MCIS Insurance Berhad
Baca Lembaran Pendedahan Produk ini sebelum anda membuat keputusan untuk melanggan Critical illnessProtect. Pastikan anda juga membaca terma dan syarat am.	Critical illnessProtect
	XXXX

1. Apakah ciri-ciri produk ini?

Critical illnessProtect ialah rider penolakan unit yang menyediakan perlindungan kepada penyakit kritikal. Ia boleh dilampirkan pada pelan asas berkaitan pelaburan dengan premium berkala yang ditawarkan oleh MCIS Insurance Berhad. Rider ini menyediakan perlindungan sehingga umur 100 tahun atau tempoh akhir polisi asas, yang mana lebih awal.

2. Apakah perlindungan/manfaat yang disediakan?

Jumlah Diinsuranskan = RM 475,000

Apabila Hayat yang Diinsuranskan telah didiagnosis dengan mana-mana satu penyakit kritikal yang dilindungi di bawah rider ini, kecuali Angioplasti dan Rawatan Invasif Lain bagi Penyakit Arteri Koronari, seratus peratus (100%) daripada Jumlah Diinsuranskan (RM 475,000) ditolak sebarang amaun yang telah dibayar untuk Angioplasti dan Rawatan Invasif Lain bagi Penyakit Arteri Koronari dan sebarang keterhutangan di bawah Polisi akan dibayar sekali gus.

Apabila Hayat yang Diinsuranskan didiagnosis dengan Angioplasti dan Rawatan Invasif Lain bagi Penyakit Arteri Koronari yang dilindungi di bawah rider ini, sepuluh peratus (10%) daripada Jumlah Diinsuranskan (RM 25,000) akan dibayar sekali gus, tertakluk kepada had maksimum sebanyak Ringgit Malaysia Dua Puluh Lima Ribu (RM 25,000). Peristiwa yang dilindungi ini akan dibayar sekali sahaja dan akan ditolak daripada Jumlah Diinsuranskan, dengan itu mengurangkan amaun Jumlah Diinsuranskan yang akan dibayar seterusnya apabila didiagnosis dengan mana-mana satu daripada baki penyakit kritikal yang dilindungi.

Jumlah Asas Diinsuranskan bagi Polisi Asas akan dikurangkan sebanyak jumlah yang dibayar sekiranya Hayat yang Diinsuranskan didiagnosis dengan mana-mana satu penyakit kritikal yang dilindungi. Jumlah maksimum yang akan dibayar untuk mana-mana satu Hayat yang Diinsuranskan sekiranya mengalami penyakit kritikal yang dilindungi terhad kepada Ringgit Malaysia Empat Juta (RM 4,000,000) untuk rider ini dan semua polisi hayat lain yang dikeluarkan oleh Syarikat atau syarikat insurans lain atau pengendali takaful, termasuk sebarang rider(-rider) yang lain.

Senarai penyakit-penyakit kritikal yang dilindungi:

1. Penyakit Alzheimer/Demensia Teruk
2. Angioplasti dan Rawatan Invasif Lain untuk Penyakit Arteri Koronari
3. Sindrom Apalik
4. Meningitis Bakteria - mengakibatkan ketidakupayaan Kekal untuk menjalankan Aktiviti Kehidupan Harian
5. Tumor Otak Benign - keterukan tertentu
6. Buta - Kekal dan Tidak Boleh Pulih
7. Pembedahan Otak
8. Kanser - keterukan tertentu dan tidak melindungi kanser peringkat awal
9. Kardiomiopati - keterukan tertentu
10. Anemia Aplastik Kronik - mengakibatkan kegagalan Kekal Sumsum Tulang
11. Pankreatitis Berterusan Kronik
12. Koma - mengakibatkan Defisit Neurologi Kekal dengan Simptom Klinikal Berterusan
13. Pembedahan Pintas Arteri Koronari
14. Creutzfeldt - Penyakit Jakob
15. Pekak - Kekal dan Tidak Boleh Pulih
16. Elephantiasis
17. Ensefalitis - mengakibatkan ketidakupayaan Kekal untuk menjalankan Aktiviti Kehidupan Harian
18. Kegagalan Hati Peringkat Akhir
19. Penyakit Paru-paru Peringkat Akhir
20. AIDS Dengan Gejala Penuh
21. Hepatitis Viral Fulminan
22. Serangan Jantung - keterukan tertentu
23. Pembedahan Injap Jantung
24. Jangkitan HIV Melalui Transfusi Darah
25. Kegagalan Buah Pinggang - memerlukan dialisis atau pemindahan buah pinggang
26. Kehilangan Kewujudan Bebas
27. Kehilangan Pertuturan
28. Trauma Kepala Major - mengakibatkan ketidakupayaan Kekal untuk menjalankan Aktiviti Kehidupan Harian
29. Pemindahan Organ Utama/Sumsum Tulang
30. Penyakit Sistik Medular
31. Penyakit Neuron Motor - Defisit Neurologi Kekal dengan Simptom Klinikal Berterusan
32. Sklerosis Multipel
33. Distrofi Otot
34. Virus Imunodefisiensi Manusia (HIV) Dijangkiti Melalui Pekerjaan
35. Kelumpuhan Anggota
36. Penyakit Parkinson - mengakibatkan ketidakupayaan Kekal untuk menjalankan Aktiviti Kehidupan Harian
37. Poliomiellitis
38. Hipertensi Arteri Pulmonari Primer - keterukan tertentu
39. Skleroderma Progresif
40. Penyakit Arteri Koronari Serius
41. Strok/Angin Ahmar - mengakibatkan Defisit Neurologi Kekal dengan Simptom Klinikal Berterusan
42. Pembedahan Aorta
43. Lupus Eritematosus Sistemik dengan Komplikasi Buah Pinggang yang Teruk
44. Penyakit Terminal
45. Kelecuran Tahap Ketiga - keterukan tertentu

Sila rujuk kepada kontrak polisi untuk definisi bagi penyakit-penyakit kritikal.

Tempoh perlindungan ialah sehingga Hayat yang Diinsuranskan berumur seratus (100) tahun pada hari jadi berikutnya atau sehingga tamat tempoh Polisi Asas, yang mana lebih awal.

Manfaat(-manfaat) yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi MCIS Life atau PIDM (layari www.pidm.gov.my).

3. Berapakah premium yang perlu saya bayar?

- (a) Kos rider telah digabungkan ke dalam premium Polisi Asas. Maka rider dibiayai dengan penolakan Caj-caj Insurans dari Nilai Akaun. Caj-caj Insurans mungkin berubah bergantung kepada keperluan pengunderaitan MCIS Insurance Berhad.
- (b) Caj-caj Insurans berubah berdasarkan umur pada hari jadi berikutnya, jantina, Jumlah Diinsuranskan dan penarafan perubatan, yang mana berkenaan. Sila rujuk kepada Ilustrasi Produk bagi maklumat terperinci.
- (c) Caj-caj Insurans yang diterangkan dalam Ilustrasi Produk adalah diguna pakai untuk risiko standard.
- (d) Caj-caj Insurans adalah tidak dijamin dan mungkin berubah dari semasa ke semasa.

4. Apakah yuran dan caj yang perlu saya bayar?

Caj-caj Insurans akan ditolak pada setiap bulan daripada Nilai Akaun untuk perlindungan yang disediakan. Caj-caj Insurans akan meningkat mengikut umur Hayat yang Diinsuranskan. Butiran Caj-caj Insurans untuk rider ini adalah disediakan dalam Ilustrasi Produk.

Caj-caj Insurans adalah tidak dijamin dan mungkin berubah dari semasa ke semasa. MCIS Insurance Berhad mempunyai hak untuk mengubah Caj-caj Insurans dengan memberikan tiga puluh (30) hari notis bertulis terlebih dahulu.

5. Apakah antara terma dan syarat penting yang perlu saya ketahui?

- (a) Kepentingan pendedahan - Anda hendaklah mendedahkan semua fakta penting seperti keadaan perubatan, pekerjaan dan menyatakan umur anda dengan betul.
- (b) Tempoh bertenang - Anda boleh membatalkan rider anda dalam tempoh lima belas (15) hari dari tarikh penerimaan kontrak tambahan. Caj-caj Insurans yang telah ditolak dengan sebarang bayaran perubatan yang ditanggung akan dibayar balik ke Nilai Akaun.
- (c) Tempoh menunggu - Kelayakan untuk manfaat-manfaat di bawah rider ini hanya akan bermula tiga puluh (30) hari selepas Tarikh Kuatkuasa Insurans, kecuali bagi Angioplasti dan Rawatan Invasif lain bagi Penyakit Arteri Koronari Utama, Kanser, Pembedahan Pintas Arteri Koronari, Serangan Jantung dan Penyakit Arteri Koronari Serius, di mana kelayakan hanya akan bermula enam puluh (60) hari selepas Tarikh Kuatkuasa Insurans.
- (d) Rider ini mungkin layak untuk pengecualian cukai di bawah insurans perubatan, tertakluk kepada terma dan syarat yang dikenakan oleh Lembaga Hasil Dalam Negeri (LHDN) Malaysia. Sila rujuk kepada LHDN atau penasihat cukai anda untuk maklumat lanjut.
- (e) Prosedur Tuntutan - Anda boleh mendapatkan maklumat mengenai prosedur dan borang tuntutan daripada laman web korporat kami di www.mcis.my, hubungi Pusat Perkhidmatan Pelanggan kami atau kunjungi cawangan yang terdekat dengan anda.

Nota: Senarai ini tidak menyeluruh. Sila rujuk kepada kontrak polisi untuk terma dan syarat di bawah polisi ini.

6. Apakah pengecualian utama di bawah rider ini?

Rider ini tidak melindungi sebarang penyakit kritikal yang disebabkan secara langsung atau tidak langsung, keseluruhannya atau sebahagiannya, oleh mana-mana satu (1) peristiwa berikut:

- (a) Keadaan Sedia Ada; atau
- (b) Kecederaan atau penyakit akibat Kecederaan diri sendiri atau disebabkan pertarungan ketika siuman atau tidak siuman; atau
- (c) Akibat penyalahgunaan dadah, gangguan ketagihan daripada penyalahgunaan dadah atau semasa berada di bawah pengaruh alkohol; atau
- (d) Akibat melakukan, cubaan melakukan perbuatan menyalahi undang-undang atau mencetuskan serangan atau jenayah atau sebarang bentuk pelanggaran undang-undang.

Nota: Senarai ini tidak menyeluruh. Sila rujuk kepada kontrak polisi untuk terma dan syarat di bawah polisi ini.

7. Bolehkah saya membatalkan rider saya?

Anda boleh membatalkan rider anda dengan memberikan notis bertulis kepada MCIS Insurance Berhad.

8. Apa yang perlu saya lakukan jika terdapat perubahan kepada maklumat hubungan saya?

Anda perlu memaklumkan kepada kami tentang sebarang perubahan maklumat hubungan untuk memastikan bahawa semua surat sampai kepada anda tepat pada masanya.

9. Di mana saya boleh mendapatkan maklumat lanjut?

Sekiranya anda memerlukan maklumat lanjut tentang insurans perubatan dan kesihatan, sila rujuk buku kecil *insuranceinfo* mengenai 'Insurans Perubatan & Kesihatan'. Anda boleh mendapatkan salinan daripada ejen insurans atau layari www.insuranceinfo.com.my.

Jika anda mempunyai sebarang pertanyaan, sila hubungi kami di:

MCIS Insurance Berhad No. Pendaftaran:199701019821 (435318-U)

Ibu Pejabat : Wisma MCIS, Jalan Barat, 46200 Petaling Jaya, Selangor Darul Ehsan, Malaysia
 Alamat Pos : Peti Surat 345, Jalan Sultan, 46916 Petaling Jaya, Selangor Darul Ehsan, Malaysia
 Tel : 03-7652 3388
 Faks : 03-7957 1562
 Emel : customerservice@mcis.my
 Laman Web : www.mcis.my

MCIS Insurance Berhad dlesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

10. Lain-lain jenis perlindungan Insurans Perubatan dan Kesihatan yang serupa tersedia.

Sila tanya MCIS Insurance Berhad atau ejen anda untuk jenis perlindungan lain yang serupa yang ditawarkan oleh MCIS Insurance Berhad.

NOTA PENTING:

ANDA SEHARUSNYA BERPUAS HATI BAHAWA RIDER INI MEMENUHI KEPERLUAN ANDA DENGAN SEBAIKNYA. ANDA PERLU MEMBACA DAN MEMAHAMI POLISI INSURANS DAN BERBINCANG DENGAN EJEN ATAU HUBUNGI TERUS SYARIKAT UNTUK MAKLUMAT LANJUT.

Maklumat yang diberikan dalam lembaran pendedahan ini adalah sah pada XXXX.